

8.

Holl kemeromp eur gentel
 E buez ar merzer :
 Mar d'eo bet soudard fidel
 Ha sentuz d'he zevel ;
 Gouzout rea da genta
 Heulia lezen Doue,
 Ha disprijout ar bed ma
 'Vit an Eternite.

9.

Brema p'hon deuz resevet
 Euz Iliz-Veur Sant Per
 He relegou benniget,
 N'hon deuz ken da ober
 Nemed diskwez d'hor Patron
 Muioc'h a garantez,
 He garet a vir galon
 Ar rest euz hor buez.

10.

Hirio ni bromet beza
 Henvel ouz hor patron
 'Vit mont d'hon heur diveza
 Demdost da Zant Gorgon.
 Ama den na c'hell refus
 D'ar feiz beza fidel :
 Kentoc'h eget nac'h Jezuz
 Ni a garfe mervel !

Imprimatur :

Kemper, 28 a viz Even 1923.

A. COGNEAU,
vic. gén.

Kemper, moulet e ti de Kerangal.




TON KELVEN : C'hoñi holl 'a zo kristenien.

DISKAN :

Ni ho salud, sant Gorgon
 Merzer ken burzuduz,
 Selaouit, ô sant patron,
 Hor moueziou truezuz,
 Dionallit mad hor parrez
 Kreskit enni ar feiz,
 Da Jezuz ha da Verc'hez
 Ra vezimp noz ha deiz.

1.

Breman zo c'huezek kant vloaz
 E kear Nikomedy,
 Daou vignoun en em gavaz
 O chom er memeuz ty :
 Beza voant daou-offiser
 Gorgon ha Dorothe,
 Servich an impalaër
 Reant aketuz bemde.



2.

Dreist peb tra 'karont Jezuz
An daou vignoun yaouank,
Dre ho frezegen nerzuz
Ar gristenien zav stank,
Beteg zoken er palez
Etouez ar baianet.
Hadet eo ar wirionez
Ha Jezuz zo meület.

3.

Gorgon, 'kreiz an henoriou,
A zo tad ar beorien,
Evelse he genteliou
Ra muioc'h kristenien.
Ar re zall, ar re vouzar
Kement en deuz klenved,
Dre galz miraklou dispar,
A zo ganthan pareet.

4.

Mez an ifern en egar
Hen deuz laket, siouaz,
An impalaër e kounnar.
Setu an drubuil vraz ;
Laza rër dre boaniou kriz
Eskibien, beleien ;
Distrujet eo peb iliz,
Ha mil ha mil gristen.

5.

Neuze an daou offiser
Gorgon ha Dorothe,
Dirak an Impalaër
Teu d'anzaou ho Doue,
Hag ar mestr fall d'ar bourreo
Lavar ho skourjeza,
Ho rosta, var eur c'hrill beo,
Hag erfin ho c'hrouga.

6.

Sant Gorgon zo henoret
E daouzek eskopty,
E kant ilis eo pedet
Merzer Nikomedy.
Tud fidel parrez Plovan
Deut holl, ha daoulinet,
Ha kinniget ho poan
D'ho patron benniget.

7.

Ia, dreist oll ni her pedo
Evit hor zoudardet,
'Vel ma pedomp Sant Guydo
Vit hor martolodet.
Gant sikour ho fedennou
Hor bugale jommo,
Kristenien vel ho zadou,
Beteg heur ar maro.